

ქალაქ ბათუმის მუნიციპალიტეტის მერის ბრძანება

№ბ14.14213378

თარიღი:03/12/2021

**ქალაქ ბათუმის მუნიციპალიტეტის ადმინისტრაციულ საზღვრებში M2  
კატეგორიის (მიკროავტობუსები) ავტოსატრანსპორტო საშუალებებით  
ადგილობრივი საქალაქო რეგულარული სამგზავრო გადაყვანის ნებართვის  
მამიებელთა განმეორებითი კონკურსის N30 და N47 მოძრაობის მარშრუტებზე  
ჩატარების შესახებ**

საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „ე.ე“ ქვეპუნქტის, „ლიცენზიებისა და ნებართვების შესახებ“ საქართველოს კანონის 26<sup>2</sup>-ე მუხლის, „ქალაქ ბათუმის მუნიციპალიტეტის ადმინისტრაციულ საზღვრებში ადგილობრივი საქალაქო რეგულარული სამგზავრო გადაყვანის (M2 და M3 კატეგორიის ავტოსატრანსპორტო საშუალებებით) ნებართვის მამიებელთა კონკურსში მონაწილეობის, მასში გამარჯვებულის გამოვლენის, ნებართვის მოქმედების ვადის, სანებართვო პირობების, ნებართვის გაცემისა და ფასის გადახდის წესის, სანებართვო მოწმობის, უწყებრივი სანებართვო რეესტრის (ჟურნალის) და კონკურსის წესით გამოვლენილ გამარჯვებულთან გასაფორმებელი ხელშეკრულების ფორმების და სანებართვო მოწმობის შევსებისა და აღრიცხვა-ანგარიშგების წესის დამტკიცების შესახებ“ ქალაქ ბათუმის მუნიციპალიტეტის საკრებულოს 2018 წლის 28 ივნისის N50 დადგენილების, „ქალაქ ბათუმის მუნიციპალიტეტის ადმინისტრაციულ საზღვრებში ადგილობრივი საქალაქო რეგულარული სამგზავრო გადაყვანის მიზნით ავტობუსების (M2 და M3 კატეგორია) მოძრაობის მარშრუტების დამტკიცების შესახებ“ ქალაქ ბათუმის მუნიციპალიტეტის საკრებულოს 2019 წლის 22 აგვისტოს N22 დადგენილების და „ქალაქ ბათუმის მუნიციპალიტეტის ადმინისტრაციულ საზღვრებში M2 კატეგორიის ავტობუსებისათვის ადგილობრივი საქალაქო რეგულარული სამგზავრო გადაყვანის ნებართვის მამიებელთა კონკურსის გამოცხადების შესახებ“ ქალაქ ბათუმის მუნიციპალიტეტის საკრებულოს 2019 წლის 22 აგვისტოს N68 განკარგულების და „ქალაქ ბათუმის მუნიციპალიტეტის ადმინისტრაციულ საზღვრებში M2 კატეგორიის ავტოსატრანსპორტო საშუალებებით ადგილობრივი საქალაქო რეგულარული სამგზავრო გადაყვანის ნებართვის მამიებელთა კონკურსის ჩატარების, საკონკურსო კომისიის შექმნის და

კომისიის დებულების დამტკიცების შესახებ“ ქალაქ ბათუმის მუნიციპალიტეტის მერის 2021 წლის 5 ნოემბრის №14.14213091 ბრძანების შესაბამისად,

### **ვ ბ რ ძ ა ნ ე ბ :**

1. გამოცხადდეს ქალაქ ბათუმის მუნიციპალიტეტის ადმინისტრაციულ საზღვრებში ადგილობრივი საქალაქო რეგულარული სამგზავრო გადაყვანის ნებართვის მაძიებელთა განმეორებითი კონკურსი M2 კატეგორიის ავტოსატრანსპორტო საშუალებებისათვის „ქალაქ ბათუმის მუნიციპალიტეტის ადმინისტრაციულ საზღვრებში ადგილობრივი საქალაქო რეგულარული სამგზავრო გადაყვანის მიზნით ავტობუსების (M2 და M3 კატეგორია) მოძრაობის მარშრუტების დამტკიცების შესახებ“ ქალაქ ბათუმის მუნიციპალიტეტის საკრებულოს 2019 წლის 22 აგვისტოს N22 დადგენილებით (ცვლილება: დადგენილება N35, 16.10.2020წ) დამტკიცებული დანართი 1-ის შესაბამისად N30 და N47 მოძრაობის მარშრუტებზე.

2. ქალაქ ბათუმის მუნიციპალიტეტის ადმინისტრაციულ საზღვრებში M2 კატეგორიის (მიკროავტობუსები) ავტოსატრანსპორტო საშუალებებით ადგილობრივი საქალაქო რეგულარული სამგზავრო გადაყვანის ნებართვის მაძიებელთა განმეორებითი კონკურსის ჩატარებასთან დაკავშირებული საორგანიზაციო საკითხები განისაზღვროს ქალაქ ბათუმის მუნიციპალიტეტის მერის 2021 წლის 5 ნოემბრის №14.14213091 ბრძანების შესაბამისად.

3. ქალაქ ბათუმის მუნიციპალიტეტის ადმინისტრაციულ საზღვრებში M2 კატეგორიის (მიკროავტობუსები) ავტოსატრანსპორტო საშუალებებით ადგილობრივი საქალაქო რეგულარული სამგზავრო გადაყვანის ნებართვის მაძიებელთა განმეორებითი კონკურსის ჩატარებისა და მასთან დაკავშირებული საორგანიზაციო საკითხების განხორციელება დაევალოს ქალაქ ბათუმის მუნიციპალიტეტის მერის 2021 წლის 5 ნოემბრის №14.14213091 ბრძანებით შექმნილ საკონკურსო კომისიას იგივე წესებითა და პირობებით.

4. დაევალოს ქალაქ ბათუმის მუნიციპალიტეტის მერის 2021 წლის 5 ნოემბრის №14.14213091 ბრძანებით შექმნილ საკონკურსო კომისიას, ქალაქ ბათუმის მუნიციპალიტეტის საკრებულოს 2018 წლის 28 ივნისის N50 დადგენილების და ქალაქ ბათუმის მუნიციპალიტეტის მერის 2021 წლის 5 ნოემბრის №14.14213091 ბრძანებით დამტკიცებული დანართი 1-ის და 2-ის შესაბამისად უზრუნველყოს ქალაქ ბათუმის მუნიციპალიტეტის ადმინისტრაციულ საზღვრებში M2 კატეგორიის ავტოსატრანსპორტო საშუალებებით ადგილობრივი საქალაქო რეგულარული სამგზავრო გადაყვანის ნებართვის მაძიებელთა განმეორებითი კონკურსის ჩატარება N30 და N47 მოძრაობის

მარშრუტებზე, გამარჯვებულის გამოვლენა და კომისიის შედეგების წარდგენა ქალაქ ბათუმის მუნიციპალიტეტის მერისათვის გამარჯვებულზე ნებართვის გასაცემად და ხელშეკრულების გასაფორმებლად.

5. ქალაქ ბათუმის მუნიციპალიტეტის მერის 2021 წლის 5 ნოემბრის №14.14213091 ბრძანებით შექმნილი საკონკურსო კომისიის საქმიანობის ტექნიკური და ორგანიზაციული უზრუნველყოფა დაევალოს ქალაქ ბათუმის მუნიციპალიტეტის მერიის მუნიციპალური პოლიტიკის სამსახურის საქალაქო ტრანსპორტის და სატრანსპორტო ინფრასტრუქტურის პოლიტიკის განყოფილებას.

6. ნებართვის მაძიებლის მიერ საკონკურსო განაცხადის ფორმა შეივსოს ქალაქ ბათუმის მუნიციპალიტეტის მერის 2021 წლის 5 ნოემბრის №14.14213091 ბრძანებით დამტკიცებული დანართი 3-ის თანახმად.

7. ნებართვის მაძიებელმა სამარშრუტო ხაზზე განსახორციელებელი საქმიანობის ტექნიკურ-საექსპლუატაციო მაჩვენებლების (მონაცემები მიკროავტობუსების შესახებ) ინფორმაცია წარმოადგინოს ქალაქ ბათუმის მუნიციპალიტეტის მერის 2021 წლის 5 ნოემბრის №14.14213091 ბრძანებით დამტკიცებული დანართი 4-ის თანახმად, ელექტრონული და ნაბეჭდი ფორმით.

8. ქალაქ ბათუმის მუნიციპალიტეტის ადმინისტრაციულ საზღვრებში M2 კატეგორიის (მიკროავტობუსები) ავტოსატრანსპორტო საშუალებებით ადგილობრივი საქალაქო რეგულარული სამგზავრო გადაყვანის ნებართვის მაძიებელთა N30 და N47 მოძრაობის მარშრუტებზე განმეორებით კონკურსში მონაწილეთა განცხადებების მიღება თანდართულ დოკუმენტაციასთან ერთად იწარმოებს ქალაქ ბათუმის მუნიციპალიტეტის მერიის საქმისწარმოების განყოფილებაში, 2021 წლის 09 დეკემბრის დილის 10:00 სთ-დან საღამოს 17:00 სთ-მდე, მისამართზე: ქ. ბათუმი, ლუკა ასათიანის ქ. N25.

9. განმეორებით კონკურსში N30 და N47 მოძრაობის მარშრუტებზე, ქალაქ ბათუმის მუნიციპალიტეტის საკრებულოს 2018 წლის 28 ივნისის №50 დადგენილებით დამტკიცებული „ქალაქ ბათუმის მუნიციპალიტეტის ადმინისტრაციულ საზღვრებში ადგილობრივი საქალაქო რეგულარული სამგზავრო გადაყვანის (M2 და M3 კატეგორიის ავტოსატრანსპორტო საშუალებებით) ნებართვის მაძიებელთა კონკურსში მონაწილეობის, მასში გამარჯვებულის გამოვლენის, ნებართვის მოქმედების ვადის, სანებართვო პირობების, ნებართვის გაცემისა და ფასის გადახდის წესის“ მე-8 მუხლის შესაბამისად საკონკურსო კრიტერიუმების მიხედვით M2 კატეგორიის (მიკროავტობუსის) ავტოსატრანსპორტო საშუალებების მატერიალურ-ტექნიკური მდგომარეობის შეფასება მოხდება შემდეგ მისამართზე: ქ.ბათუმი, ქ.შარტავას ქ. N13 (აჭარა-ბეთ არენას მიმდებარე

ტერიტორია), 2021 წლის 13 დეკემბერს, დილის 10:00 სთ-დან სადამოს 15:00 სთ-მდე.

**10.** ინფორმაცია განმეორებითი კონკურსის ჩატარების შესახებ გამოქვეყნდეს გაზეთ „აჭარა“-ში და ქალაქ ბათუმის მუნიციპალიტეტის მერიის ვებ-გვერდზე: [www.batumi.ge](http://www.batumi.ge).

**11.** ბრძანება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი თვის ვადაში.

**12.** ბრძანება ძალაშია ხელმოწერისთანავე.

არჩილ ჩიქოვანი

ქალაქ ბათუმის მუნიციპალიტეტის მერია-მერი